

նեւ և արձանագրել զամենայն արտօրայս և զպարտէզս , մտեալ 'ի տումար կալուածոց Մարգարէին Դաւթի , 'ի խնդրոյ Շէյխ Ահմէտ Տէճէնիայ և սերնդոց նորին : Կոչեալ էր յայնժամ դատաւորն զգլխաւորս քրիստոնէից , որք էին Անգրիաս Պատրիարք Հայոց , Եագուպ որդի Հաննայի փոխանորդ և Թարգման Լատինաց , Սալիլ փոխանորդ Յունաց , Գալթիք և Ասորիք . սոքա ամենեքեան խոստովանեալ էին յայնժամ առաջի դատաւորին , որպէս յայտ առնէ մուրհակն գրեալ 'ի Թուին ԳԴՀ (1556) : Յետ այսր ամենայնի Թախանձէր Շէյխ Սալէհ զգատաւորն պատուիրել քրիստոնէից կարճեւ զձեռս իւրեանց յադարակէն յայնմանէ :

Ի յանդիման լինիլ գլխաւորաց քրիստոնէից յատենի անդ , ետուն պատասխանի , զբովանդակ ազարակն զայն , յոր Թաղեն Քրիստոնեայք զննջեցեալսն , ժառանգեալ են նախ քան զտիրել Օսմանցոց , և 'ի ժամանակին յայնմիկ զմի մասն նորին գնեալ է Աստուածատուր Մելիքի , և կտակեալ Թաղել զմեռեալս գերեալ քրիստոնէից , և զայլս յեկաց և 'ի բնակաց երուսաղէմի . գրեալ յետկար 'ի դատարանի , յոր նշանակեալ են սահմանք նորին : Յետ այսց բանից , ձայն բարձին բազմութիւնք քրիստոնէից ժողովեցոց անդր և տանն , անտեղի և անհիմն է ամբաստանութիւն դորա , չունի ազգեւ 'ի վերայ մեր և ոչ 'ի վերայ այլոյ ուրուք , և եթէ վստահացեալ է դորա յարձանագրութիւն Արքունի տումարին , անհիմն է և նա . և խնդրեցին ցուցանել զայն :

Իսկ Շէյխ Սալէհ՝ Թէպէտ յայտ արար Թէ՝ չունի զայնպիսի ինչ , սակայն եւ ոչ իսկ կամէր ունկն դնել բանից քրիստոնէից , և խնդրեաց 'ի նոցանէ զմուրհակն , և նոքա մատուցին յընթերցումն , ուր ասէ . « Վիայեմք , Աստուածատուր որդի Սէֆէրի որդւոյ Աստուածատրոյ՝ գնեաց զմի մասն ազարակին այնորիկ , և սահմանքն բացորոշ , և 'ի յետուստ կողմանէ գրեալ կտակ նորին , վաւերացեալ 'ի դատաւորաց և յայլազգեաց , և 'ի վերջոյ ներկայ դատաւորէն : Որոնեցին նաեւ 'ի տումարն կայսերական , եւ ոչ գտաւ 'ի նմա ազարակն այն : Շէյխ Սալէհ առաջի արար զվճիռ մեծի դենպետին , յորում ասէր . բարւոք է վարիլ ըստ մտաց արքունի տումարին . ապա մատոյց զհրովար-